

AUGUSTISSIMO,
POTENTISSIMO,
INVICTISSIMO,
ROMANORUM
IMPERATORI
CAROLO
SEXTO,

Germaniæ, Hispaniarum,
Hungariæ, Bohemiæ, Dalmatiæ,
Croatia, Sclavonia, &c.

REGI,

Archi-Duci Austria, Duci Burgun-
diæ, Styriæ, Carinthiæ, Carniolia, & Würten-
bergæ, Comiti Habsburgi, Flandriæ, Tyrolis,
Goritæ & Gradiscæ, &c. &c.



SACRATISSIME
CÆSAR,
 DOMINE, DOMINE
 CLEMENTISSIME.



*Qui post plurium annorum vigi-
 lias in lucem prodit liber, ad
 SACRATISSIMÆ MAJE-
 STATIS VESTRÆ pedes sese
 conjicit; & dum à Clementissi-
 mo Augusti Sideris influxu fo-
 veri implorat, Regnorum amplissimorum DO-
 MINO, & Orbis MODERATORI tria me-
 den-*

dentium Regna substernit. Artium & Scientiarum, quarum culturâ reipublicæ salus viget, illud hætenus certamen fuit; ut lucubrationum, & industriæ suæ partus ad CÆSARIS illius Solum adferrent, quem VINDICEM, FAULTOREM, & INSTAURATOREM suum omnes deprædicant. Prævenerunt nos plurimæ, hoc tandem in volumine minimè postrema sese sistit Pharmaceutica rerum, quas vastissimus naturæ sinus complectitur, propè omnium coordinatio; iteranda non semel tentamina, & ad experimentorum trutinam revocanda, non poterant non longiores moras injicere; atque satiùs duximus, immaturæ temeritatis, quam dilati obsequii notam effugere.

Dolebamus sanè miseram ægrotantium sortem, cui sæpenumerò plus molestiæ, periculivè
à me-

à medendi discrepantia, quàm à morborum con-
flictu imminebat, dum in parandis pharmacis
Ars sibi contradiceret, atque ideo saluberrima
medentium studia aut eluderet penitus, aut diu-
tius in ancipiti suspenderet. Dissidio modum
hoc opere statuimus, & dum disciplinam in par-
tes scissam, stabilem ad normam, legemque re-
vocamus, unà & medentium curas tutiori in lo-
co reponimus, & ægris levamen asserimus. Ne-
que tamen est, quod hunc conatum nostrum, sa-
luti publicæ dicatum, & labore, studio, ac ære
non modico paratum ab omni metu absolutum
putemus, nisi Sacratissimis MAJESTATIS
VESTRÆ auspiciis protegatur. Fuere, & erunt
forsitan viri doctrinâ, & arte præstantes, qui in
contrariam à nobis sententiam abeant, Sed quis
laceffere audeat, quod ipsa in fronte AUGU-
STO NUMINE munitum viderit? si verò
DEO

DEO Simillimos Principes efficit publica pro incolumitate excubans providentia, artem, quã non commodis, opibus, ac fortunis, sed salutis, ac vitæ hominum consulitur, à MAJESTATE VESTRA protectum iri, nemo est, qui seu velit, seu possit ambigere.

Hæc igitur studia nostra, quæ pro communi omnium salute publica esse volumus, ad MAJESTATIS VESTRÆ Solium procumbunt. Ratio, & Experientia, quibus Duce & Magistrâ usi fuimus, CÆSARI ORBIS SOSPI-TATORI volumen offerunt; quod dum medelæ parandæ, atque adeo valetudini vel stabilien-dæ, vel reparandæ rationem continet, id unum DEUM Optimum Maximum precamur, ut MAJESTATEM VESTRAM, in qua vitam, salutem, & incolumitatem suam flo-
rer

rentissima regna, & mundi pars melior respiciunt, Artis nostræ subsidiis minimè indigam, nobis, & humani generis bono quàm diutissimè Sospitem indulgeat

ITA VOVET
SACRATISSIMÆ MAJESTATI VESTRÆ

Submississimum Collegium
PHARMACEUTICUM VIENNENSE.